

INUIT ATAQATIGIIT INATSISARTUNI



UPA2022/105

Maajip 12-iat 2022

Mariia Simonsen

**Oqaatsuni oqaluffiliornissaq siunertaralugu sanaartornissamut
pilersaarummik suliaqaqqullugit Naalakkersuisut
peqquneqarnissaannik Inatsisartut aalajangiiffigisassaattut
siunnersuut.**

(Inatsisartunut ilaasortaq Doris Jakobsen Jensen, Siumut)

Oqaattuni oqaluffiortoqarnissaannik Doris J. Jensenip siunnersuutaanut Inuit Ataqatigiinnit imaattunik oqaaseqarniarput.

Oqaattuni atuarfik oqaluffiutigisoq siunnersuuteqartup tunngavilersuutaasigut paasivarput 1957-ernisaasoq, atorneqarunnaarsimasorlu oqunnini pissutigalugu. Atuartut naalagiallu Illu Sullivimmut innersuunneqarsimapput, Naalakkersuisulli akissutaasigut paasinarpoq atuarfik oqaluffiutigisoq iluarsaanneqareerluni atorfissaminut atorneqaqqilersimasoq. Ilageeqarnermut inatsit naapertorlugu ilagiit sinniisaat tassaapput oqaluffiit naalagiartarfiillu allat sanaartorneqassappata iluarsaanneqassappataluunniit provstimut siunnersuuteqartussat, siunnersuutillu tassanngaanniit biskoppimut naalakkersuisunullu ingerlatinneqartarlutik. Ilagiinnut inatsit naapertorlugu palasi kirkebogimut nalunaarsuisussaataasoq pisussaavoq ilagiit illuutaasa qanoq issusiat pillugu provstimut ukiumoortumik nalunaarusiortassalluni. Nalunaarusiatigut tamakkunuunatigut illuutit aserfallassimanerat takuneqarsinnaavoq, taakkulu najoqqutaralugit nutarterinerit iluarsaassinerillu pingaarnersiorneqartarput.

Biskoppip akisussaaffigaa sanaartugassanut kissaatit takkuttut pingaarnersiorlugit naalakkersuisunut ingerlateqqissallugit. Naalakkersuisoq

INUIT ATAQATIGIIT INATSIARTUNI



akissummini allapoq Oqaattuni oqaluffiortoqarnissaanik kissaammik tigusaqarsimanani, inassutigaaalu suleriaasiusoq malinneqassasoq, suliassarlu avannaata provsteqarfiani sularineqaqqaassasoq.

Naalakkersuisup allannguutissatut siunnersuutigaa oqaluffiit ilagiillu illuutaasa allat nutarterneqarnissaannut nutaanillu sanaartortoqarnissaanut pilersaarummik ilagiit peqatigalugit suliaqartoqassasoq, tamannalu Inuit Ataqtigiinnit soqutiginaartutut isigaarput, ilageeqarnermullu ataatsimiititaliami sukumiisumik oqaluuserisassaqqilluni.

Taama oqaaseqarluta siunnersuut ataatsimiititaliamut susassaqtumut innersuupparput.